

## Ffurflen Gais am Gymorth Ariannol – Clwb Criced Rhuthun

### Gwybodaeth bellach i Cyngor Tref Rhuthun

**Pwynt 6:** Mae nifer yr aelodau ifanc sydd gan y clwb wedi tyfu'n sylweddol dros y 3 mlynedd diwethaf. Mae'r tyfiant yn nifer yr aelodau yn rhannol oherwydd y cymorth mae Cyngor Tref Rhuthun wedi rhoi i'r clwb dros y blynyddoedd. Dechreuodd gyda cymorth ariannol pan fu'r Cynghorydd Anne Roberts yn Faer a mae holl aelodau'r clwb yn gwerthfawrogi'r cymorth ariannol yn fawr iawn.

Erbyn hyn mae gennym dau dim sydd yn chwarae bob dydd Sadwrn yn ystod yr haf. Mae llawer o'r hogiau ifanc sydd yn chwarae i'r timau wedi dod drwy'r system ieuenctid, ac mae'n gret i'w gweld nhw'n parhau i chwarae'n gystadleuol i'r clwb.

Mae tri tim ieuenctid gan y clwb criced (dan 13, dan 11 a dan 9). Yn ychwanegol mae'r clwb yn cynnal sesiynau 'All Stars' a 'Dynamoes' ar nos Wener yn ystod yr haf. Mae'r sesiynau yma wedi bod yn llwyddian anhygoel gyda bron i 100 o blant yn derbyn hyfforddiant ac yn chwarae gemau.

Gyda gymaint o dimau mae cost peli am y tymor wedi cynyddu'n sylweddol. Gofynnwn i'r Cyngor Tref ystyried rhoi cyfraniad tuag at y gost o'r peli ar gyfer y tymor yma.

Yn ychwanegol rydym am brynu mwy o gyfarpar hyfforddiant newydd er mwyn sicrhau fod y sesiynau ymarfer mor amrywiol a diddorol a phosib i'r plant ac i'r hyfforddwyr. Mae costau'r gyfarpar newydd wedi eu cynnwys isod o dan pwynt 8.

**Pwynt 8:** Fel y nodir uchod gofynnir i'r Cyngor Tref gysidro cyfrannu tuag at y gost o'r peli ar gyfer y tymor nesa. Mae cyfanswm y cost yn £850 a gofynnwn am gyfraniad o **£450** tuag at y gost hynny.

Dyma restr o'r gyfarpar newydd mae'r clwb criced yn awyddus i brynu, ynghyd a'r costau:

|                                  |                |
|----------------------------------|----------------|
| Batting Tees 5x£15               | £75.00         |
| Catchers Mitt                    | £100.00        |
| Multi Stump 2x£30                | £60.00         |
| Sidearm Elite 2x£30              | £60.00         |
| Windball 3x£20                   | £60.00         |
| Pop-up Flexi Stump               | £50.00         |
| Flexi-Stump Foam Target          | £30.00         |
| Essential Hoop 5x£4              | £20.00         |
| Multi Height Hurdles 3x£20       | £60.00         |
| Cricket Catching Bat 2x£28       | £56.00         |
| Rubber Base Cricket Stumps 2x£28 | £56.00         |
| Spring Back Cricket Stumps 2x£34 | £68.00         |
| <b>Cyfanswm</b>                  | <b>£695.00</b> |

Gofynnwn i'r Cyngor Tref ystyried cyfrannu **£400** tuag at gost y cyfarpar newydd. Rydym felly'n gofyn am gyfanswm o **£850**.

### **Trin y Gymraeg a'r Saesneg yn gydradd**

O ran dwyieithrwydd mae'r rhan fwyaf o hyfforddwyr y clwb yn siarad Cymraeg, felly mae'r sesiynau hyfforddiant yn digwydd yn ddwyieithog yn naturiol. Mae naws dwyieithog i'r clwb ac mae'r clwb yn ceisio cryfhau ein cysylltiadau gyda'r ysgolion lleol, gan gynnwys yr ysgolion Cymraeg/ dwyieithog.

Mae llawer o'r aelodau sy'n chwarae i'r timau ar dydd Sadwrn yn siarad Cymraeg, felly mae'r Gymraeg yn cael ei ddefnyddio'n rheolaidd ac yn naturiol yn ystod gemau a sesiynau hyfforddiant. Mae'r clwb yn un cyfeillgar iawn ac rydym yn croesawu unrhyw un sydd am ymuno a ni mewn unrhyw fodd.